

大毘婆沙論

才一百十

三百八十二  
部十

50542



阿毗達磨大毗婆沙論卷第二百一十

師

五百大阿羅漢等造

三藏法師

玄奘奉

詔譯

智蘊第三中七聖納息第五之二

諸法集智相應彼法滅智相應耶答不爾設  
法滅智相應彼法集智相應耶答不尔對道  
智空無相三摩地亦尔所以者何非一心故  
行相異故或所緣異故諸法集智相應彼法  
無願三摩地相應耶答應作四句義不定故  
有法集智相應非無願謂集智相應無願即  
集智俱生無願三摩地此與集智相應非無  
願自性與自性不相應故有法無願相應非  
集智謂集智及集智不相應無願相應法此

中集智者謂無願俱生集智此與無願相應  
非集智自性與自性不相應故及集智不相  
應無願相應法者謂苦忍苦智集忍集智道  
忍道智俱生聚中無願相應法此與無願相  
應非集智是他聚故有法集智相應亦無願  
謂二相應法此法是何謂集智俱生聚中除  
集智及無願諸餘心心所法即八大地法十  
大善地法尋伺及心有法非集智相應亦非  
無願謂集智不相應無願乃至廣說此中集  
智不相應無願者謂苦忍苦智集忍道忍道  
智俱生聚中無願此非集智相應是他聚故  
亦非無願相應自性與自性不相應故及諸

餘心心所法者謂空無相俱生聚中心心所  
法及一切有漏心心所法此俱不相應是他  
聚故色無爲心不相應行者謂一切色無爲  
心不相應行此俱不相應無所緣故對三無  
漏根七覺支八道支如法智說者謂如法智  
對三無漏根等此集智對三無漏根等廣說  
亦爾

諸法滅智相應彼法道智相應耶荅不爾設  
法道智相應彼法滅智相應耶荅不爾對空  
無願三摩地亦尔所以者何非一心故行相  
異故所緣異故諸法滅智相應彼法無相三  
摩地相應耶荅應作四句義不定故有法滅

智相應非無相謂滅智相應無相即滅智俱  
生無相三摩地此與滅智相應非無相自性  
與自性不相應故有法無相相應非滅智謂  
滅智及滅智不相應無相相應法此中滅智  
者謂無相俱生滅智此與無相相應非滅智  
自性與自性不相應故及滅智不相應無相  
相應法者謂滅忍俱生無相相應法此與無  
相相應非滅智是他聚故有法滅智相應亦  
無相謂二相應法此法是何謂滅智俱生聚  
中除滅智及無相諸餘心心所法即八大地  
法十大善地法尋伺及心有法非滅智相應  
亦非無相謂滅智不相應無相乃至廣說此

中滅智不相應無相者謂滅忍俱生無相此  
非滅智相應是他聚故亦非無相相應自性  
與自性不相應故及諸餘心心所法者謂空  
無願俱生聚中心心所法及一切有漏心心  
所法此俱不相應是他聚故色無爲心不相  
應行者謂一切色無爲心不相應行此俱不  
相應無所緣故對三無漏根七覺支八道支  
如法智說者謂如法智對三無漏根等此滅  
智對三無漏根等廣說亦尔

諸法道智相應彼法空三摩地相應耶答不  
尔設法空三摩地相應彼法道智相應耶答  
不尔對無相三摩地亦尔所以者何非一心

故行相異故所緣異故諸法道智相應彼法  
無願三摩地相應耶答應作四句義不定故  
有法道智相應非無願謂道智相應無願即  
道智俱生無願此與道智相應非無願自性  
與自性不相應故有法無願相應非道智謂  
道智及道智不相應無願相應法此中道智  
者謂無願俱生道智此與無願相應非道智  
自性與自性不相應故及道智不相應無願  
相應法者謂苦忍苦智集忍集智道忍俱生  
聚中無願相應法此與無願相應非道智是  
他聚故有法道智相應亦無願謂二相應法  
此法是何謂道智俱生聚中除道智及無願

諸餘心心所法即八大地法十大善地法尋  
伺及心有法非道智相應亦非無願謂道智  
不相應無願乃至廣說此中道智不相應無  
願者謂苦忍苦智集忍集智道忍俱生聚中  
無願此非道智相應是他聚故亦非無願相  
應自性與自性不相應故及諸餘心心所法  
者謂空無相俱生聚中心心所法及一切有  
漏心心所法此俱不相應是他聚故色無爲  
心不相應行者謂一切色無爲心不相應行  
此俱不相應無所緣故對三無漏根七覺支  
八道支如法智說者謂如法智對三無漏根  
等此道智對三無漏根等廣說亦爾

諸法空三摩地相應彼法無願三摩地相應  
耶荅不介設法無願三摩地相應彼法空三  
摩地相應耶荅不介對無相亦介所以者何  
非一心故行相異故或所緣異故諸法空三  
摩地相應彼法未知當知根相應耶荅應作  
四句義不定故有法空相應非未知當知根  
謂未知當知根所不攝空相應法此法是何  
謂已知根具知根俱生空相應法此與空相  
應非未知當知根是他聚故有法未知當知  
根相應非空謂未知當知根所攝空及空不  
攝不相應未知當知根相應法此中未知當  
知根所攝空者謂未知當知根俱生聚中空

此與未知當知根相應非空自性與自性不  
相應故及空不攝不相應未知當知根相應  
法者謂無願無相俱生聚中未知當知根相  
應法此與未知當知根相應非空是他聚故  
有法空相應亦未知當知根謂未知當知根  
所攝空相應法此法是何謂此聚中八根及  
彼相應諸非根心所法有法非空相應亦非  
未知當知根謂未知當知根所不攝空乃至  
廣說此中未知當知根所不攝空者謂已知  
根具知根俱生聚中空此非空相應自性與  
自性不相應故亦非未知當知根相應是他  
聚故及空未知當知根不攝不相應諸餘心

心所法者謂已知根具知根所攝無願無相  
俱生聚中心心所法及一切有漏心心所法  
此俱不相應是他聚故色無為心不相應行  
者謂一切色無為心不相應行此俱不相應  
無所緣故對已知具知根亦尔者如空三摩  
地對未知當知根有四句此對已知具知根

亦爾

諸法空三摩地相應彼法念覺支相應耶答  
應作四句義不定故有法空相應非念謂空  
相應念即空三摩地俱生念覺支此與空相  
應非念自性與自性不相應故有法念相應  
非空謂空及空不相應念相應法此中空者

謂念覺支俱生空三摩地此與念相應非空  
自性與自性不相應故及空不相應念相應  
法者謂無願無相俱生念覺支相應法此與  
念相應非空是他聚故有法空相應亦念謂  
二相應法即空俱生聚中除空及念諸餘心  
心所法此法是何謂八大地法十大善地法  
尋伺及心有法非空相應亦非念謂空不相  
應念乃至廣說此中空不相應念者謂無願  
無相俱生念覺支此非空相應是他聚故亦  
非念相應自性與自性不相應故及諸餘心  
心所法者謂一切有漏心心所法此俱不相  
應是他聚故色無為心不相應行者謂一切

色無爲心不相應行此俱不相應無所緣故  
對擇法精進輕安捨覺支正見正精進正念  
亦尔者謂如空三摩地對念覺支有四句此  
對擇法等亦尔諸法空三摩地相應彼法喜  
覺支相應耶答應作四句義不定故有法空  
相應非喜謂空相應喜及喜不相應空相應  
法此中空相應喜者謂空俱生聚中喜覺支  
此與空相應非喜自性與自性不相應故及  
喜不相應空相應法者謂未至定靜慮中間  
後二靜慮前三無色地中空三摩地相應法  
此與空相應非喜是他地故有法喜相應非  
空謂喜相應空及空不相應喜相應法此中

喜相應空者謂喜覺支俱生聚中空三摩地  
此與喜相應非空自性與自性不相應故及  
空不相應喜相應法者謂無願無相俱生聚  
中喜相應法此與喜相應非空是他聚故有  
法空相應亦喜謂二相應法即初二靜慮空  
俱生聚中除空及喜諸餘心心所法一法是  
何謂八大地法十大善地法尋伺及心有法  
非空相應亦非喜謂空不相應喜乃至廣說  
此中空不相應喜者謂無願無相俱生聚中  
喜此非空相應是他聚故亦非喜相應自性  
與自性不相應故喜不相應空者謂未至定  
靜慮中間後二靜慮前三無色地中空三摩

地此非空相應自性與自性不相應故亦非  
喜相應是他地故及諸餘心心所法者謂未  
至定靜慮中間後二靜慮前三無色地中無  
願無相俱生聚中心心所法及一切有漏心  
心所法此俱不相應是他聚故色無為心不  
相應行者謂一切色無為心不相應行此俱  
不相應無所緣故對正思惟亦尔者如空三  
摩地對喜覺支作四句此對正思惟亦爾諸  
法空三摩地相應彼法定覺支相應耶荅諸  
法空相應彼法亦定相應一切空三摩地皆  
是定覺支攝故有法定相應非空謂空所不  
攝定相應法此法是何謂無願無相俱生聚

中定覺支相應法此與定覺支相應非空是  
他聚故對正定亦爾者如空三摩地對定覺  
支作順前句此對正定亦爾如空對後無願  
無相對後亦爾者如空三摩地對後無願無  
相對後廣說亦亦有差別者如空對喜覺支  
正思惟無願無相對喜覺支正見正思惟亦爾  
諸法未知當知根相應彼法已知根相應耶  
答不尔設法已知根相應彼法未知當知根  
相應耶答不尔對異知根亦爾所以者何非  
一心故位各別故諸法未知當知根相應彼  
法念覺支相應耶答應作四句義不定故有  
法未知當知根相應非念謂未知當知根所

攝念即未知當知根俱生聚中念此與未知  
當知根相應非念覺支自性與自性不相應  
故有法念覺支相應非未知當知根謂未知  
當知根所不攝念相應法此法是何謂已知  
根具知根俱生聚中念相應法此與念相應  
非未知當知根是他聚故有法未知當知根  
相應亦念謂未知當知根所攝念相應法此  
法是何謂餘八根及彼相應諸非根心所法  
有法非未知當知根相應亦非念謂未知當  
知根所不攝念乃至廣說此中未知當知根  
所不攝念者謂已知根具知根俱生聚中念  
此非未知當知根相應是他聚故亦非念相

應自性與自性不相應故及餘心心所法者  
謂一切有漏心心所法此俱不相應是他聚  
故色無為心不相應行者謂一切色無為心  
不相應行此俱不相應無所緣故對擇法精  
進定覺支正見正精進正念正定亦爾者謂  
如未知當知根對念覺支有四句此對擇法  
覺支等亦爾諸法未知當知根相應彼法喜  
覺支相應耶答應作四句義不定故有法未  
知當知根相應非喜謂未知當知根所攝喜  
及喜不攝不相應未知當知根相應法此中  
未知當知根所攝喜者謂未知當知根俱生  
聚中喜此與未知當知根相應非喜自性與

自性不相應故及喜不攝不相應未知當知  
根相應法者謂未至定靜慮中間第三第四  
靜慮地中未知當知根相應法此與未知當  
知根相應非喜是他地故有法喜覺支相應  
非未知當知根謂未知當知根所不攝喜相  
應法此法是何謂已知根具知根俱生聚中  
喜相應法此與喜相應非未知當知根是他  
聚故有法未知當知根相應亦喜謂未知當  
知根所攝喜相應法此法是何謂餘八根及  
彼相應諸非根心所法有法非未知當知根  
相應亦非喜謂未知當知根所不攝喜乃至  
廣說此中未知當知根所不攝喜者謂已知

根具知根俱生聚中喜此非未知當知根相  
應是他聚故亦非喜相應自性與自性不相  
應故及喜未知當知根不攝不相應諸餘心  
心所法者謂未至定靜慮中間後二靜慮前  
三無色地中已知根具知根俱生聚中心心  
所法及一切有漏心心所法此俱不相應是  
他聚故色無爲心不相應行者謂一切色無  
爲心不相應行此俱不相應無所緣故諸法  
未知當知根相應彼法輕安覺支相應耶荅  
應作四句義不定故有法未知當知根相應  
非輕安謂未知當知根相應輕安此與未知  
當知根相應非輕安自性與自性不相應故

有法輕安相應非未知當知根謂未知當知  
根不相應輕安相應法此法是何謂已知根  
具知根俱生聚中輕安相應法此與輕安相  
應非未知當知根是他聚故有法未知當知  
根相應亦輕安謂未知當知根相應輕安相  
應法此法是何謂十大地法九大善地法尋  
伺及心有法非未知當知根相應亦非輕安  
謂未知當知根不相應輕安即已知根具知  
根俱生聚中輕安此非未知當知根相應是  
他聚故亦非輕安相應自性與自性不相應  
故及餘心心所法者謂一切有漏心心所法  
此俱不相應是他聚故色無為心心不相應行

者謂一切色無爲心不相應行此俱不相應  
無所緣故對捨覺支亦尔者謂如未知當知  
根對輕安覺支有四句此對捨覺支亦爾  
諸法未知當知根相應彼法正思惟相應耶  
答應作四句義不定故有法未知當知根相  
應非正思惟謂未知當知根相應正思惟及  
正思惟不相應未知當知根相應法此中未  
知當知根相應正思惟者謂未知當知根俱  
生聚中正思惟此與未知當知根相應非正  
思惟自性與自性不相應故及正思惟不相  
應未知當知根相應法者謂靜慮中間後三  
靜慮地中未知當知根相應法此與未知當

知根相應非正思惟是他聚故有法正思惟  
相應非未知當知根謂未知當知根不相應  
正思惟相應法此法是何謂已知根具知根  
俱生聚中正思惟相應法此法與正思惟相  
應非未知當知根是他聚故有法未知當知  
根相應亦正思惟謂未知當知根相應正思  
惟相應法此法是何謂十大地法十大善地  
法尋伺及心有法非未知當知根相應亦非  
正思惟謂未知當知根不相應正思惟乃至  
廣說此中未知當知根不相應正思惟者謂  
已知根具知根俱生聚中正思惟此非未知  
當知根相應是他聚故亦非正思惟相應自

性與自性不相應故及諸餘心心所法者謂  
靜慮中間後三靜慮前三無色地中已知根  
具知根俱生聚中心心所法及一切有漏心  
心所法此俱不相應是他聚故色無爲心不  
相應行者謂一切色無爲心不相應行此俱  
不相應無所緣故如未知當知根對後已知  
具知根對後亦亦有差別者具知根對正見  
應作四句與前有異有法具知根相應非正  
見謂具知根所攝正見及正見不攝不相應  
具知根相應法此中具知根所攝正見謂具  
知根俱生正見此與具知根相應非正見自  
性與自性不相應故及正見不攝不相應具

知根相應法者謂盡智無生智俱生聚中具  
知根相應法此與具知根相應非正見是他  
聚故有法正見相應非具知根謂具知根所  
不攝正見相應法此法是何謂未知當知根  
已知根俱生聚中正見相應法此與正見相  
應非具知根是他聚故有法具知根相應亦  
正見謂具知根所攝正見相應法此法是何  
謂餘八根及彼相應諸非根心所法有法非  
具知根相應亦非正見謂具知根所不攝正  
見乃至廣說此中具知根所不攝正見者謂  
未知當知根已知根俱生聚中正見此非具  
知根相應是他聚故亦非正見相應自性與

自性不相應故及諸餘心心所法者謂一切  
有漏心心所法此俱不相應是他聚故色無  
為心不相應行者謂一切色無為心不相應  
行此俱不相應無所緣故念覺支乃至正念  
對後廣說如覺支納息者如此蘊初納息已  
廣說如說苾芻吾當為汝說四十四智事汝  
應諦聽極善作意乃至廣說問何故作此論  
答為廣分別契經義故如契經說佛告苾芻  
吾當為汝說四十四智事汝應諦聽乃至廣  
說契經雖作是說而不分別其義經是此論  
所依根本彼未說者今應說之故作斯論問  
世尊何故說此契經答世尊昔者由此加行

為門為路證得無上正等菩提今復說此示  
諸弟子汝等若能不捨如是加行門路不久  
當得諸漏永盡譬如長者由是方便集得珍  
財而受富樂復亦以此方便教諸子孫告言  
汝等若能不捨如是方便必獲珍財亦受富  
樂出尊亦介云何四十四智事謂知老死智  
知老死集智知老死滅智知趣老死滅行智  
如是知生有取愛受觸六處名色識行智知  
行集智知行滅智知趣行滅行智是名四十  
四智事問此中何故不說知無明智等耶答  
應說而不說者當知此義有餘復次若法有  
支所攝以有支為因是有支果者此中說之

無明雖亦有支所攝而不以有支爲因亦非  
有支果故此不說復次若依此法具起四智  
此中說之依無明但起三智不起緣有支集  
智故此不說此中知老死智等四十四智事  
當言法智乃至道智耶荅應言知老死智是  
四智謂法類世俗苦智乃至廣說此中知老  
死智是四智謂法智者知欲界老死類智者  
知色無色界老死世俗智苦智者俱知三界  
老死如知若有四智知集滅道應知亦爾如  
依老死起十六智事乃至依行應知亦尔如  
是合有一百七十六智事若以相續刹那分  
別則有無量無邊智事此中世尊依十一支

四諦差別各起四智故但說有四十四智事  
此四十四智事幾有漏幾無漏答一切皆通  
有漏無漏幾緣有漏幾緣無漏答二十二緣  
有漏二十二緣無漏幾有為幾無為答一切  
是有為幾緣有為幾緣無為答三十三緣有  
為十一緣無為幾過去幾未來幾現在答一  
切皆通三世幾緣過去幾緣未來幾緣現在  
答三十三緣三世十一緣非世若如雜蘊分  
位三世應言三緣過去謂知行智知行集智  
知識集智三緣未來謂知老死智知老死集  
智知生智十六緣現在謂知生集智知有智  
知有集智知取智知取集智知愛智知愛集

智知受智知受集智知觸智知觸集智知六  
處智知六處集智知名色智知名色集智知  
識智十一緣三世十一緣非世間如是智事  
既不能入正性離生得果離染及盡諸漏何  
緣聖者修今現前答由四緣故一為住現法  
樂故二為遊戲功德故三為觀本所作故四  
為受聖財故

如說苾芻吾當為汝說七十七智事汝應諦  
聽極善作意乃至廣說問何故作此論答為  
廣分別契經義故廣說如前問世尊何故說  
此契經答世尊昔者由此加行為門為路廣  
說如前云何七十七智事謂知生緣老死智

知非不生緣老死智知過去生緣老死智知  
彼非不生緣老死智知未來生緣老死智知  
彼非不生緣老死智及法住智遍知此是無  
常有爲思所作從緣生盡法滅法離法滅法  
如依生緣老死起七智乃至依無明緣行亦  
尔故有七十七智事問此中何故不說知無  
明所從緣智耶答應說而不說者當知此義  
有餘復次若法有支所攝以有支爲因是有  
支果者此中說之無明雖亦有支所攝而不  
以有支爲因亦非有支果故此不說復次若  
依此法起緣有支七智者此中說之依無明  
所從緣不起緣有支七智故此不說

此中知生緣老死智等七十七智事當言法  
智乃至道智耶答應言知生緣老死等前六  
智皆是四智謂法類世俗集智第七法住智  
是一世俗智如知生緣老死七智乃至知無  
明緣行七智亦尔此中法智者知欲界生緣  
老死等類智者知色無色界生緣老死等世  
俗智集智者俱知三界生緣老死等問已說  
生緣老死等何故復說非不生緣老死等耶  
荅論有二種一立自宗二遮他宗立自宗者  
如善說法者立善說法宗惡說法者立惡說  
法宗應理論者立應理論宗分別論者立分  
別論宗遮他宗者如善說法者遮惡說法宗

惡說法者遮善說法宗應理論者遮分別論  
宗分別論者遮應理論宗若但說生緣老死  
等者或有生疑為興言論作如是說理未必  
亦為決彼疑顯此理定是故復說非不生緣  
老死等此中知生緣老死是法類世俗集四  
智知非不生緣老死亦是四智合有八智知  
過去未來生緣老死亦各有八智合有二十  
四智第七法住智惟是一世俗智故足前有  
二十五智如知生緣老死乃至知無明緣行  
亦亦如是合有二百七十五智若以相續刹  
那分別則有無量無邊智事此中世尊依十  
一支三世差別各起七智故但說有七十七

智事問何故不說知現在耶有作是說七中  
前二即知現在復有說者七中前二通知二  
世過去未來難了知故復別說知現在不介  
故不別說

此七十七智事幾有漏幾無漏答十一法住  
智惟有漏惟是世俗智性攝故餘六十六智

通有漏無漏四智攝故有作是說一切皆通  
有漏無漏幾緣有漏幾緣無漏答一切皆緣  
有漏幾有為幾無為答一切皆有為必無智  
體是無為故幾緣有為幾緣無為答一切皆  
緣有為幾過去幾未來幾現在答一切皆通  
三世幾緣過去幾緣未來幾緣現在答諸有

欲令七中前二惟緣現在者彼說二十二緣  
過去二十二緣未來二十二緣現在十一緣  
三世諸有欲令七中前二通緣三世者彼說  
二十二緣過去二十二緣未來三十三緣三  
世此智不能入正性離生等由四緣故修令  
現前義如前說

問何故第七名法住智答法者是果住者是  
因知果法所住因故名法住智謂知三界下  
中上果所住之因名法住智此智惟知因之  
別相非聖行相故惟世俗智攝有作是說此  
通四智謂法類世俗集智問若尔何故說是  
一世俗智答實通無漏此中且說是有漏者

此多分知因別相故後有說者前六智是知  
因智故名爲法住緣彼起智名法住智此智  
知道非知集因亦四智攝謂法類世俗道智  
問若尔何故作如是說遍知此是無常有爲  
思所作從緣生盡法滅法離法滅法無漏豈  
得名離法耶答此中但應作如是說遍知此  
是無常有爲乃至滅法不應說離法而說離  
法者欲顯聖者亦厭無漏不生欣樂故說離  
法有餘復說前知因智是四智性今知彼智  
名法住智故此法住智知彼世俗智亦名知  
離法評曰應知此中初說爲善  
如世尊說蘇尸摩當知先有法住智後有涅

槃智問此中何者是法住智何者是涅槃智  
耶有作是說知集智是法住智知滅智是涅  
槃智有餘復說知苦集智是法住智知滅道  
智是涅槃智或有說者知苦集道智是法住  
智知滅智是涅槃智問若尔何故說先有法  
住智後有涅槃智耶答雖有法住智在涅槃  
智後而有法住智在涅槃智前故作是說復  
有說者知流轉智是法住智知還滅智是涅  
槃智復次知緣起智是法住智知緣起滅智  
是涅槃智復次知生死智是法住智知生死  
滅智是涅槃智有餘師說近分地智是法住  
智根本地智是涅槃智云何知然經爲量故

如契經說有諸外道共集議言佛未出時我等  
等多獲名譽利養由佛出世名利頓絕如日  
既出爍火潛輝設何方便名利如本然喬峇  
摩有二事勝謂善經論形貞端嚴雖形貞難  
移而經論易竊我等衆內有蘇尸摩念慧堅  
強堪竊彼法若得彼法名利如本既共議已  
告蘇尸摩彼由二緣遂受衆請一愛親友二  
善根熟便出王舍城詣竹林精舍謂苾芻曰  
我欲出家時諸苾芻將往白佛佛知根性遣  
諸苾芻度令出家與受具戒彼後未久誦三  
藏文亦少解義竊作是念欲利親友今正是  
時遂從竹林出欲還王舍城然佛有遍照護

法天眼恒觀世間誰能竊者時有五百應真  
苾芻蘇尸摩前自讚已德我生已盡梵行已  
立所作已辦不受後有蘇尸摩曰仁等所證  
依何定耶為初靜慮為乃至無所有處耶諸  
苾芻言我等所證皆不依彼蘇尸摩言若不  
依彼如何得證諸苾芻曰我等皆是慧解脫

者時蘇尸摩聞已茫然不識所謂便作是念  
脫我親友問此義者我當云何還詣佛所問  
如是義世尊告曰蘇尸摩當知先有法住智  
後有涅槃智蘇尸摩曰我今不知何者法住  
智何者涅槃智佛言隨汝知與不知然法應  
尔時蘇尸摩不果先願然彼五百應真苾芻

依未至定得漏盡已後方能起根本等至由  
此故知近分地智是法住智根本地智是涅槃智

說一切有部發智大毗婆沙論卷第一百二十 諦

足前

上子娶反  
添也成也

爍火

上在  
也

子紉反一音  
崔炸火

不息  
芒然

上音  
忙

